



REPUBLIKA POPULLORE SOCIALISTE
E SHQIPËRISË

MINISTRIA E PUNËVE TË BRENDSHME
Drejtoria I

Sekret

Nr. 000039

REGULLORË
E EVIDENCËS OPERATIVE
TË ORGANEVE TË PUNËVE
TË BRENDSHME

Nr. 01-27 Datë 23.8.1986

Tiranë, 1987



REPUBLIKA POPULLORE SOCIALISTE
E SHQIPËRISË

MINISTRIA E PUNËVE TË BRENDSHME
Drejtoria I

Sekret

RREGULLORE
E EVIDENCËS OPERATIVE
TË ORGANEVE TË PUNËVE
TË BRENDSHME

Nr. 01-27 Datë 23.8.1986

Tiranë, 1987

REPUBLIKA POPULLORE SOCIALISTE
E SHQIPËRIE

MINISTRIA E PUNËVE TË BRENDSHME

Drejtori :

2481/82

R R E G U L L O R E
TË ORGANIEVE TË PUNËVE
E EVIDENCËS OPERATIVE
TË BRENDSHME

№ 01-1/ Dato 22.9.1982

Plotëson detyrat e evidencës operative të
Punëve të Brendshme të rregulluar
ve dhe të normave për krijimin, evidencimin, admi-
nistrimin ruajtjen e shfrytëzimin e dokumenteve
operative. Ajo mbështetet në direktivat e vendimet
e Partisë, në Platformën e Punës Operative të Or-
ganeve të Punëve të Brendshme, në vendimet e Qe-
verisë, legjislacionin socialist dhe në aktet normative
të Ministrisë së Punëve të Brendshme.

I

DETYRAT E EVIDENCËS OPERATIVE

1. Plotëson dhe evidencën dokumentet operative:
 - a) Të rrjetit sekret informativ të organeve të Pu-
nëve të Brendshme (përjashto ata të Drejtorisë III
të Sigurimit të Shtetit).
 - b) Të personave që kryejnë, kanë kryer ose para-
qesin dyshime se mund të zhvillojnë veprimtari ar-
miqësore ose keqbërëse kundër Partisë së Punës së
Shqipërisë, shtetit socialist, të drejtave dhe interesa-

ve të shtetasve, gjithë rendit shoqëror socialist; të personave që meren në kontigjent për veprimtari ar- miqësore ose keqbërëse dhe të arratisurve jashtë shtetit.

2. Plotëson statistikat e rrjetit sekret informativ dhe të përpunimeve, sipas modelarëve të miratuar nga ministri i Punëve të Brendshme. Nxjerr prej tyre konkluzione për forcimin e punës operative në shkallë zone, drejtimi, sektori e organi në degët e punëve të brendshme të rretheve¹⁾ dhe për drejtimet, degët e drejtoritë e aparatit qendror dhe për drejtimet publike (nga Dega IV e Drejtorisë I).

3. Administron, ruan e shfrytëzon gjithë doku- mentacionin operativ në përdorim dhe atë që arki- vohet në Sektorin e Evidencës Operative.

II

DOSJET QË KRIJOHEN PËR BASHKËPUNËTORËT E RRJETIT SEKRET INFORMATIV

4. Për personat që tërhiqen bashkëpunëtorë në rrjetin sekret informativ krijohen këto dosje:

1) Sa herë që në këtë rregullore përmenden degët e punëve të brendshme, nënkuptohet edhe Drejtoria e Punëve të Brendshme Tiranë.

a) **Dosje Personale**, krijohet për bashkëpunëtorët e të gjithë kategorive, në bazë të vendimit përkatës, dhe pasi të jetë bërë raporti përfundimtar i tërheqjes së personit në bashkëpunim. Në dosje vendosen do- kumentet e lidhjes nr. 1/1.

b) **Dosje Pune**, krijohet për agjentët dhe informa- torët në një kohë me krijimin e dosjes personale. Për bashkëpunëtorët e kategorisë rezident e strehues dhe për informatorët që përdoren si përkthyes, të kon- trollit postar e të teknikës operative, dosja e punës krijohet vetëm kur ata japin të dhëna me interes operativ. Në dosje vendosen dokumentet e lidhjes nr. 1/2.

5. Dosja personale dhe e punës e bashkëpunëtorit që merret në përpunim aktiv 2/A për veprimtari ar- miqësore ose keqbërëse, arkivohen me vendim të rregullt bashkë me kartelat model 2 në Sektorin e Evidencës Operative, duke bërë më parë një relacion përmbledhës në dy kopje, të cilët vendosen në dosjen e përpunimit dhe në atë personale.

6. Degët e punëve të brendshme që përdorin në dhomat e paraburgimit bashkëpunëtorë të marrë nga radhët e të dënuarve, tërheqin në të njëjtën kohë edhe dosjen e tij personale, të cilën në përfundim e pasurojnë me karakteristikën e punës dhe ia dërgojnë në degës së punëve të brendshme të rrethit, ku ba- shkëpunëtori do të shkojë për të vazhduar vuaqtjen e dënimit.

Për kohën e qëndrimit të bashkëpunëtorit në dhomën e paraburgimit krijohet dosje pune dhe pas largimit të tij administrohet konformë kërkesave të kësaj rregulloreje.

III

DOSJET E FASHIKUJT QË KRIJOHEN PËR ELEMENTIN ARMIK E KEQBËRËS

7. Për personat që merren në përpunim e kontroll për veprimtari armiqësore ose keqbërëse, krijohen këto dosje:

a) **Dosja e përpunimit aktiv 2/A**, krijohet për çdo shtetas shqiptar, shtetas të huaj dhe persona pa shtetësi, me banim të përhershëm ose të përkohshëm në RPSSH, të përgjegjshëm, që ka mbushur moshën 14 vjeç, kur për të ka të dhëna të vërtetuara se zhvillon veprimtari armiqësore ose keqbërëse, në drejtim të të cilit përdoren aktivisht llojet e format e punës operative, për të zbuluar në gjerësi e thellësi dhe dokumentuar e ndërprerë në kohë veprimtarinë e tij. Në dosje vendosen dokumentet e lidhjes nr. 1/3.

Kur një person është në përpunim aktiv 2/A për veprimtari keqbërëse dhe merren të dhëna të vërtetuara se zhvillon edhe veprimtari armiqësore, me urdhër të titullarit të organit, dosja e përpunimit i

kalon sektorit të Sigurimit, i cili ndryshon tendencën dhe për ndjekjen e mëtejshme bën plane masash operative të përbashkët me ato të Policisë.

Personat e arrestuar jashtë përpunimit, në rastë të veçanta dhe kur interesat operative janë të rëndësishme, merren në përpunim aktiv 2/A gjatë kohës që ndodhen në dhomat e paraburgimit.

b) **Dosja e përpunimit paraprak (PP)**, krijohet për çdo shtetas shqiptar, shtetas të huaj e persona pa shtetësi me banim të përhershëm në RPSSH, të përgjegjshëm, që ka mbushur moshën 14 vjeç, për të cilin ka të dhëna të pavërtetuara se zhvillon veprimtari armiqësore ose keqbërëse, saktësisht e të cilave duhet vërtetuar duke përdorur llojet e format e punës operative. Në dosje vendosen dokumentet e lidhjes nr. 1/3.

c) **Dosja e kontrollit operativ 2/B**, krijohet për çdo shtetas shqiptar, shtetas të huaj dhe persona pa shtetësi me banim të përhershëm në RPSSH, të përgjegjshëm, të moshës mbi 14 vjeç, kur është vërtetuar se në të kaluarën ka zhvilluar veprimtari armiqësore, për të cilën është dënuar ose jo dhe aktualisht nuk vepron. Për të zbuluar riaktivizimin në veprimtari armiqësore të tij, është i nevojshëm kontrolli i pashershëm me llojet e punës operative. Në dosje vendosen dokumentet e lidhjes nr. 1/3.

Në kontroll operativ 2/B për tendencën e spiunazhit mbahen të gjithë personat e zbërthyer në gjën-

